

koak irakurri dizkigu ta itzak ezik euskal-esaeratxo politak ere bai. *Euskeran* argitaratuko dira.

Ta beste gai batzuek bigaramonerako utzirik, otoitzez amaitu da batzaraldia.

Bilbo'n Gure etxean, 1930'ko Ilbeltzaren 24'an.

Batzar ontara euskaltzain jaun abek datoz: Azkue maipuru, Urkijo, Olabide, Altube, Intza, Lakonbe, Etxegarai ta urgazletatik Ormaetxea ta Oleaga. Otoitz egin da.

I.—Gure urgazle Gavel jaunak Euskaltzaindiari bere lan eder bat eskeñi dio. Lan onen izena: *Primera parte de la Gramática vasca, Gure-Herrian* lendik argitaratua. Bañan oraingoz idazki luze bat guregana dakar, izenez: *Observaciones sobre la ortografía vasca*. Euskaltzaindiaren aburu, txosten ta iritxia nai lituzke ta *Gure-Herria*, ta *Eskualduna*-ren izenean bialtzen digu. Lan onen bidez, idazkeraren batasuna aitatzen da, Bidasoaz aruntz eta onuntzko idazleak ontan batera ibili ditezen. Aitzakotzat artu zan idazki au ta urango batzaraldietan zerbait ere erabakiko da.

II.—Azkue jaunak bere lan *Evolución de la lengua vasca* irakurri digu, Oihenart zanagandiko adizkerak ekañirik, batez ere *ukan* aditzari dagozkionak.

III.—Altube euskaltzain diruzaiak esan dizkigu gure dirutzaren gora-berak.

Ta beste gairik izan ez da otoitzez bukatu da batzaraldia.
